

Ἀποδομιμασία Ἀποδομιμασία

4 \*

SIVE  
TRACTATUS

ADVERSUS  
REPROBATIONIS

Absolutæ Decretum,

NOVÂ METHODO

ET

Succinctissimo Compendio adornatus;

ET

by M<sup>r</sup> J. Norris  
of All-Souls

In duos LIBROS Digestus.

*Qui neminem vult perire, sed omnes ad  
Resipiscentiam tendere. 2 Pet. 3. 9.*

Ἀγαθὸς ἦν ὁ πᾶν τόδε ὁ συνιστῶν, ἀγαθὸν δὲ  
οὐδεὶς ἔχει οὐδένος ἐγγίρειται φ.δον. Plato.

LONDINI:

Prostant venales apud Jacobum Norris,  
signe Regiæ Majestatis Armorum,  
vulgò dictum **Temple-bar**,  
Anno Dom. MDCLXXXIII.



THE

REPUBLICAN

OF THE

STATE OF

NEW YORK

AND

THE

REPUBLICAN

OF THE

STATE OF

NEW YORK

AND

THE

REPUBLICAN

OF THE

STATE OF

NEW YORK

AND

THE

---

---

# Prefatio.

**V**olventi mecum non defuturos qui quod in materia tot Eruditissimorum congressibus ultro citroque discussa, tot Lucubrationibus eviscerata styllum meum exercerem Censorium in me supercilium distringant, in Instituti hujus Apologiam non nihil præfari e re meâ fore videbatur. Libelli igitur hujusce scribendi occasionem, & publici deinde juris faciendi consilium (Amice Lector) sic paucis habe.

Ab ineunte ætate, & quasi cum materno lacte Prædestinariæ Doctrinæ Principia incautus hauseram,

## Prefatio.

~~in iisq;~~ ~~din~~ ~~præfractus~~ & immobilis  
quasi de fixo baculo perstiteram, donec  
cum viro quodam pererudito qui con-  
trariæ **Sententiæ** ~~no~~ ~~ten~~ dederat, col-  
latione habita, Dogmatis illius ad  
quod a teneris formatus eram, diras  
consequentias eâtenus perspectas ha-  
berem, ut in gravissimos scrupulos  
inciderim, non vero ut penitus illud  
abdicarim. Din inter geminos  
Magnetes dubius hæsi Chalybs, u-  
triusq; Dogmatis confinio ab utroq;  
detentus. Fluctuationis hujus im-  
patiens, ad rem penitus inspiciendam  
me sedulus accinxi, diem cum nocte  
meditando, & lectissimos utriusq; se-  
ctæ Scriptores evolvendo multoties  
junxi, donec tandem post multigenam  
lectionem & accuratissimas in hac re  
defixas meditationes pedem figerem,  
& in illâ quam jam ambabus ulnis  
amplector sententiâ tranquillus ac-  
quiescerem.

Verum



## Prefatio.

Veram ne prior opinio licet castris exuta, & in fugam data, vires recolligeret, & redintegrato impetu molestiam mihi denuo facesseret (adeo difficile est Præjudicia diuturna simul & præmatura penitus excutere) succinctam & methodicam Dogmatis illius Refutationem (tanquam exercitum in stativis semper excubias agentem) præ manibus habere consultum duxi. Chartis igitur manuum admovi, & Meditationes has animo meo hinc inde sparsas, & incompositè palantes in hanc Synopsim digestim redegei, ut Amuleti instar ab omni Dogmatis istius pestiferi contagio mihi in posterum præsidio essent.

Quod vero Enchiridion hoc in proprium meum usum conscriptum in Apricum proferre visum fuerit, hæc in causâ fuere. Imprimis,  
quod

## Prefatio.

quod quamvis ingentibus super. hac  
re voluminibus Respublica literaria  
referta esset, Compendiorum tamen  
hujusmodi copiam non ita magnam  
extare, nec omnibus ad libros illos  
Elephantinos evolvendos otium sup-  
petere, mecum perpenderem. Deinde,  
quod opinionem ad bonori Divina  
contumeliam & hominibus exitium  
inferendum naturâ suâ adeò compa-  
ratam nunquam nimio argumentorum  
apparatu exagitari posse crederem.  
Præsertim, quum apud cultores suos  
tanti fiat, ut pro corculo, medullâ,  
vitâ & animâ Religionis habeatur.  
Quumq; omnis illorum Theologia  
a capite ad calcem usq; pestifero hoc  
fermento delibuta sit. Quo non re-  
cidunt mortales cum vitâ & a-  
nimâ Religionis in eo Collocant,  
quod Religionis omnis interneci-  
um est venenum. Sed quo tenacius  
illi

## Prefatio.

illâ Pestem hanc amplectuntur, eo  
majori vi ut ex illorum manibus ex-  
torqueatur, annitendum est. Quid  
igitur vetat quo minus in Commu-  
nem tum Dei tum humani generis  
hostem (quodq; periculosius est) sub  
Amici utriusq; amantissimi larvâ  
insidiantem novum copiarum de-  
lectum agam, & ex integro bellum  
suscipiam? Nunquam Dei &  
hominum omnium causâ nimii esse  
possumus.

---

**Liber**

## Monitum Authoris.

**Q**uam a Prelo longe semotus agerem, Typographi incuria factum est, ut huic Opusculo solita plura irrepsent Sphalmata, Quibus ut in hunc modum priusquam ad illius lectionem se accingat. Medicam manum adhibeat, pro candore suo rogandus est Lector.

Pag. 2. leg. habeo. p. 7. l. denotantia. p. 23. l. infam. p. 34. l. possint. p. 41. l. adeptum. p. 55. l. Seneam. p. 84. l. demonstrato. p. 85. l. aliud. p. 64. l. absoluta. p. 71. l. in rustico. p. 72. l. absolutz. & ibidem l. evacuari. & ibid. l. consultius. p. 78. l. veneficium. p. 84. l. fin. p. 87. l. unum. p. 89. l. proscribere. p. 94. l. contendunt. p. 95. l. execranda. p. 100. dele posterius (a). p. 102. l. proscribi. ibid. lege querantur.

Sciat Lector pauculas esse in hoc Opere lineas, scilicet in primâ paginâ a verbo (nullum) ad verbum Societati, & in pag. 90. post Citationem Anonymi Authoris ad verbum (simulantem) quas dissimili Charactere (utpote mutuo desumptas) exaratas vellem. Quamvis hoc non multum refert, quum suum quisque non immerito dixerit quod undecunque quæsitum in suum opus conficiendum aptè digesserit.

## LIB. I. &amp; CAP. I.


 Xutis tandem quibus-  
 cum diu luctatus sum  
 Præjudiciis, & sani-  
 oribus in animum in-  
 ductis Consiliis, ro-  
 tus in hanc concessi sententiam,  
 nullum esse in *Religione Christiana*  
 placitum, quod Sacrosanctis Di-  
 vine Majestatis Attributis, S. Scri-  
 pturarum perpetuo tenori, *Cat-*  
*tholico* rectæ rationis dictamini,  
 uniformi Religionis universæ Ge-  
 nio, Primitivæ & meliori Anti-  
 quitati, serio pietatis & sanctimo-  
 niæ studio, omni denique tum  
 publicæ tum privatæ Societati (quæ  
 B præ-

præmiorum ac pœnarum tibicine  
 stat suffulta) perinde noxium &  
 contrarium haberi debeat ; ac fa-  
 talis & ineluctabilis illa rerum om-  
 nium necessitas , quam in *Stoico-*  
*rum* Scholâ imprimis natam , &  
 foetus ad instar Monstrosi dudum  
 in parietes elisam, *Calvinus* & ip-  
 sius *Assæcle* infœlici postliminio re-  
 divivam orbi obtruserunt.

Verum ne inauditâ causâ sen-  
 tentiam ferre , aut Convitiis  
 potius quàm argumentorum appa-  
 ratu præliari videar , Opinionem  
 cui jam ex animo nuncium remisi  
 imprimis definire , & suis cancellis  
 circumscriptam exhibere , deinde  
 rationum præstantissimarum de-  
 lectu habito eam pro viribus op-  
 pugnare constitutum habeo. Re-  
 probatio igitur (prout in *Calvini*  
 Scholâ

Scholâ vulgo statuitur) est æternum illud & immutabile Dei Decretum, ex Mero illius beneplacito proveniens, quo singulares aliquos nominatim homines nullâ in illis habitâ peccati, five finalis contumaciæ tanquam causæ morventis ratione, a salute æternâ, & mediis efficacibus ad eam ducentibus, omnino excludere; Contraque Morti & Cruciatibus æternis adjudicare decrevit. Dogmatis hujus Patroni in duas se classes dispescunt. Prima est *Supralapsariorum*, qui divinæ reprobationis objectum statuunt esse hominem ante omnem illius aut condendi, aut conditi, aut lapsi, (necdum ut non credentis & resipiscantis) considerationem. Secunda est *Sublapsariorum*, qui Deo in

Reprobationis actu hominem proponi statuunt ut actuali existentia donatum, & in *Adamo* lapsum. De duabus hisce sententiis distinctè & sigillatim agere non est animus ; utcunque enim posterior ne Deum injustitiæ postulare videatur, reprobationem lapsui subordinet ; Revera tamen in idem recidunt tandem utriusque sententiæ Patroni. *Sublapsarii* quidem sententiæ prioris incommoda vitare velle præ se ferentes, lapsum & humani generis corruptionem Reprobationi quasi fundamentum substernunt ; sed interim quod unâ manu condunt, alterâ demoliuntur. Tam enim hi quàm illi *Adamum* necessario lapsum esse , & nos omnes ex puro puto voluntatis divinæ placito lapsus



lapsus illius reos teneri volunt. Unde si res altius retexatur, perinde esse constabit, utrum Deus hominem prius destinet ad miseriam & deinde ad lapsum, vel prius ad lapsum & deinde ad miseriam. Ordo solum invertitur, res eadem manet. Utroque enim modo Reprobatio in absolutum Dei placitum tandem resolvi debet. Quum igitur homines reprobare ex mero voluntatis arbitrio, & ob alienum peccatum ex eodem voluntatis arbitrio ipsis imputatum idem omnino sint, & nihilum, quidem absurditate & injustitiâ differant, nos duas istas opiniones (si sententias in justitiæ divinæ Contumeliam tam amicè Conspirantes duas appellare liceat) non seorsim excutiemus, sed

omni B 3 utramque

utramque simul iisdem argumentis adoriemur. Præmissâ in hunc modum Reprobationis explicatione, poscit ordo ut ad illius oppugnationem proximè me accingam. Quò scèlicius igitur res geratur, sic aciem instruo. In primâ operis hujus parte Dogmatis prædicti Falsitatem; in secundâ, Malignitatem demonstrare contendam. Falsitatem ejus dupliciter evincam; primo, demonstrando quod adversâ fronte pugnet cum gloriosis Dei Opt. Max. Attributis. Secundo, quod Scripturæ adversetur; Idque duplici nomine. Primo, quod multis expressis Scripturæ locis apertissimè contradicat. Secundo, quod totius Scripturæ scopum & finem frustretur & irritum reddat. Postremo

stremo, malignitatem hujus Dogmatis a perniciosis quàm plurimis quæ vel ab eo derivantur, vel saltem (si homines secundum illius principia vitam instituerent) in praxim & mores derivari possint influentiis, abundè confirmatam dabo.

Imprimis, a Dogmatis hujus falsitate dissertationis telam ordiar, ostensurus quod adversâ fronte pugnet cum gloriosis Dei Op. Max. Attributis. Sed priusquam ad particulares instantias descendam, duas de Dei Attributis in genere considerationes præmittendas duxi, ne argumenti vis in ambiguo ver-  
tatur. Prima est, quod Attributa Dei non sint accidentia communia perfectionem aliquam denotantia quæ in essentia illius non contineatur,

tur, aut quæ a subiecto suo abesse  
 possit absque illius interitu; imo  
 ne quidem propria ejusmodi sine  
 quibus, etsi subiectum nunquam  
 esse queat, tamen nihil repugnet  
 quo minus absque illis concipia-  
 tur. Sed quod unum idemque  
 sint cum essentiâ divinâ, multi-  
 plicemque quam in eâ, secundum  
 nostrum intelligendi modum, per-  
 fectionem animadvertimus, solum  
 denotent. Ita æternitas Dei ni-  
 hil aliud est nisi Deus ipse æter-  
 nus; justitia Dei, quàm Deus  
 justus, &c. unde consequitur  
 Deum non magis aliquid attributis  
 hisce contrarium facere posse,  
 quàm seipsum negare, aut esse  
 desinere. Secunda est, quod Bo-  
 nitas, Sanctitas, Justitia & Veritas  
 Dei, cum iisdem virtutibus, prout  
 in

in hominibus subiectantur specie  
convenient, licet quoad gradum  
infinito, distant intervallo. Si  
enim virtus Dei & nostri, respec-  
tu æquivoce ( prout somniant  
nonnulli ) se habeat , quorsum  
Deum imitari, & illius imaginem  
referre jubemur ; Certo certius  
est Scripturam nos ad Dei simili-  
tudinem aspirare quoad gradum  
non hortari, ergo vel quoad spe-  
ciem, vel non omnino.

His prælibatis ad specialia illa  
Dei Attributa descendo, quibus  
*horribile* Reprobationis absoluta  
decretum bellum indicit. Qua-  
tuor enumerare impræsentiarum  
suffecerit, *viz.* Bonitatem , San-  
ctitatem, Iustitiam, & Veritatem.  
Primo, Doctrina hæc cum Dei bo-  
nitate nullo modo conciliari po-  
test.

test. Per bonitatem, non illam  
 intelligo quâ Deus summum bo-  
 num est, sed quâ Deus erga cre-  
 aturas suas bonus est, sive ad bo-  
 num suum aliis communicandum  
 propensus. Hic affectus non mo-  
 do proprie ac per se Deo com-  
 petit: quippe qui simpliciter  
 perfectus est, adeo ut Deus so-  
 lus bonus dicatur, *Math. 19. 17.*  
 Sed & prior est aliis omnibus af-  
 fectibus qui Deo tribui solent, uti  
 subtiliter admodum suo more sic  
 demonstrat *Episcopius*. Primum  
 ejus objectum ad extra est nihilum.  
 Primus ergo ejus effectus, ut sit  
 ens, necesse est. At circa entia qua  
 talia affectus omnes ceteri versan-  
 tur. Entis autem productio ex ni-  
 hilo, quia creatio propriè est, hinc  
 primus actus bonitatis est *Creatio*.  
 Unde

Unde concludit, Nullum actum hoc priorem Deo tribui posse, quia nullus affectus prior in Deo esse, aut concipi potest, ex quo actus ille prodixisset dicatur. Et actum omnem hoc priorem circa nihilum quia nihilum occupari necesse esse. Huic etiam succinere videtur Gentilis Theologia, quum Amorem deorum omnium Antiquissimum, & universi Patrem esse tradit, Unde & Commentum illud Pherecidis veteris Philosophi, Deum, quum universum conderet, se in Amorem transformasse. De quibus multa sublimiter & præclarè Platonici. Præterea, Vid. Plat. Conviv. ut Bonitas sive boni communicandi propensio primus Dei Affectus est, sic etiam principale Dei Attributum. Non quod Attributa

tributa Dei simpliciter & in Naturis suis absolutè spectata alia aliis dignitate cedant, sed tantum quoad effectus & emanationes illas per quas nobis innotescunt, & quâtenus utilitatem sive commodum nostrum respiciunt. Et hoc nomine divinorum Attributorum principem bonitatem statuimus.

Hinc Cicero contra *Velleium Epicureum*, Cotta personâ disputationem instituens, dicit *Epicurum* Amore Numen exuentem, tollere id quod *maximè proprium est optimæ præstantissimæque naturæ*. Nihil enim *melius aut præstantius bonitate & beneficentiâ*. Huic etiam quadrat

*Senecæ* illud affirmantis, *sine bonitate nullam esse Majestatem*. Et ut liberè dicam



cam quod res est, quid nobis proderit alia omnia Attributa Deo facta tecta constare, si bonitatem unam demas? Sapientia (si solam spectes) veteratoriè nobiscum agendi & technis circumveniendi facultatem subministrat. Potentia etiam (modo solitaria sit) ad tyrannidem in nos exercendam armat. Sed Deum horum aliquid facturum esse, sola *bonitas* obstat quo minus suspicemur. Hoc tamen primo affectu, hoc principali & maxime amabili Attributo quod æternis Angelorum Hymnis materiam suppeditat, in quo tota nostra fundatur salus & securitas, quo uno denique Deus quasi *gloriarì* videtur (utpote *Exod. 34. 6.*) Nomini suo Sacrosancto Appendicis instar inserto) hoc inquam

inquam Sacrilego ausu Deum exuere conantur Reprobationis absolutæ Doctores. Quod, ut compendio simul & perspicuitati melius consulatur, in formâ sic demonstro.

Summo odio prosequi Creaturam qua talem, nullo modo consistere potest cum Bonitate Dei.

Sed absolutè hominem reprobare, est summo odio prosequi creaturam qua talem.

Ergo, absolutè hominem reprobare nullo modo consistere potest cum bonitate Dei.

De majore propositione constat ex ipsis terminis. Per bonitatem enim Dei intelligimus affectum illum quo Deus ad boni sui communicationem propensus est ;

est ; Quem bonitatis egressum  
 necessario statim excipit Affectus  
 secundus , qui est *Amor* ille quo  
 Deus fertur in rem Creatam ve-  
 luti in foetum ex asse suum , ac  
 proinde sibi similem. Quo fit ut  
 Creaturam qua talem odio propriè  
 dicto (nedum summo) a Deo ha-  
 beri posse impossibile sit, nisi  
 Deum sævum, invidum, *Μισάνθρωπον*,  
 & plane *Ἄσπον* statuamus. Mi-  
 nor etiam propositio suâ luce  
 clara est. Si enim absolutè homi-  
 nem reprobare non sit summo  
 odio prosequi creaturam qua ta-  
 lem , quomodo reprobatio ista  
 erit absoluta ? Profecto nescio  
 quid obtendere possint Adversarii  
 quo demonstrationis hujus ictum  
 vel specie tenus declinent , nisi  
 putidum illud & evanidum So-  
 phisma

phisma, Reprobationis scilicet decretum *absolutum* vocari solum *Comparativè* non *fundamentaliter*. Id est, quod unum Deus reprobarit præ alio nullam extra voluntatis divinæ placitum causam quærendam esse. Sed quod aliquos omnino reprobare visum fuerit, hominis lapsum & humani generis exinde natam Corruptelam in causâ esse. Verum hoc non est ingenuè & bonâ fide agere, sed tergiversari & subterfugia quærere. Rogatos enim velim qui dogmatis sui deformitati ficulneum hoc folium prætexunt, cujus consilio & destinatione fit ut lapsus *Adami* in generis humani Corruptelam cedat vel imputetur? Respondebunt, sic a Deo constitutum esse. Itâne? Ad Dei igitur constitu-

stitutionem tandem recurritur. Unde consequitur reprobationem si ad fundum usque retexatur unde quaque absolutam esse, ac proinde Deum Reprobantem summo odio prosequi Creaturam qua talem, ac proinde absolutè hominem reprobare nullo modo consistere posse cum bonitate Dei. Quod erat demonstrandum.

---

## C A P. II.

**P**roximum Dei Attributum quod absolutæ Reprobationis doctrina convellit, est illius Sanctitas. Bonitati divinæ ætè- nus repugnat, quâtenus Deum perditionis hominum quàm plurimorum principem Authorem & primum Machinatorem esse facit.

C

San-

Sanctitati repugnat, quatenus Deum peccatorum omnium (Horresco referens) quæ a Reprobis admittuntur facit Authorem. Hæc propositio est genuina prioris proles. Nam si *Deus* ab omni retro Æternitate Reprobis æternam perditionem tanquam *finem* absolute decreverit, peccatum etiam tanquam *Medium* decernat oportet; Aliter enim utrum in finali contumaciâ perseveraturi sint nec ne ambiguæ res est alex, & sic Deus sine sibi proposito excidere possit. Hoc etiam nonnulli perfrictioris frontis Authores, & quibus forsan argumenti hujus vis suboluit, rotundo ore affirmare non verentur. Sic enim

Resp. ad duplici Vorstii, *Piscator. Reprobi ad Part 1. p. 220. utrumque hoc malum a Deo præcisè destinati sunt, ut in æter-*

*æternum puniantur & necessario  
peccent , & ideo peccent quo justè  
puniri possint. Et alibi.*

*Dens hoc consilio con-* Resp. ad A-  
pol. Bertii,  
pag. 44.  
*didit homines ut reipsa*

*laberentur , quippe cum nisi hac  
ratione pervenire non potuerit ad  
fines suos principales. Zanchinum*

*etiam ore non minus audaci idem  
quasi de Cathedrâ infallibili di-*

*stantem audire est. Non* De Nat. Dei,  
lib. 5. cap. 2.  
pag. 744.  
*dubitanus (inquit) con-*

*fiteri ex immutabili Re-  
probatione necessitatem peccandi, &  
quidem sine resipiscentiâ ad mortem  
usque peccandi eoque & pœnas  
æternas dandi Reprobis incumbere.*

*Et hi quidem Authores Principiis  
suis satis consentaneè. Præstitu-  
to enim fine media etiam præsti-  
mantur necesse est. Si necessaria*

sit Reprobatorum damnatio parem etiam peccandi inque peccatis diem tandem obeundi necessitatem illis imponi statuendum est. Et quum tota hac necessitas a decreto divino provenerit, Deum non esse verum peccati Authorem (quascunque ad rem incrustandam venditent distinctiunculas) nunquam effectum dabunt. Duo ponunt, a quibus Deum illum cui *Seraphim* & *Cherubim* *τριστόχων* in æternum cantunt, peccati esse Authorem necessario conficitur. Primum est, Deum ex mero suo beneplacito homines omnes in statu peccati & corruptionis constituisse. Secundum est, maximam generis humani partem in statu isto peccati & impotentiae Deum relinquere, nec infirmitatibus eorum gratiâ succurrere. Hi igitur miseri Homi-  
 mun-



munciones in statu isto corruptionis & imbecillitatis constituti, sibi relictī, & divinæ gratiæ suppetiis (Secundâ illâ post naufragium tabulâ) destituti, in omnia flagitia necessario ruunt, adeo ut si repetitis vivendi rudimentis ævum denuo auspicari illis integrum foret, non aliter quàm prius vixerint, victuri essent.

Sed quasi hoc Artificio Dei Sanctitas hominum peccatis non satis inquinaretur, reperti sunt nonnulli qui Deum homines in statum corruptionis induxisse, & gratiam illis necessariam subtrahere parum arbitrati, nescio quos occultos motus excogitant, quibus Deum homines in peccata impellere blasphemio ore perhibent. Testem appello  
 illorum *Coryphaeum* &

Vid. Instit.  
 lib. 1. cap. 18.  
 & l. 2. cap. 4.

*Antesignanum Calvinum*, qui Deum in impiorum cordibus operari & occultis instigationibus eos in mala protrudere, longâ oratione contendit, illosque quasi modestiæ laudem captantes & Mendaci patrocínio Dei justitiam asserentes redarguit, qui Dei *permisso* tantum non etiam *voluntate* fieri obtendunt; quæ *Satan* & omnes reprobi mala faciunt. Huic etiam ad amussim quadrat *Piscator*, qui Deum ad peccata quæ palam prohibet, occultâ ratione homines impellere affirmat. *Zanchius* etiam præfidenter asserit Deum omnia in omnibus operari, non tantum in piis, sed etiam in improbis. Sed tædet Blasphemiarum.

Ex his omnibus apertè sequitur  
De-

Resp. ad Apol.  
Bertii p. 144.

Miscell. pag. 4.

Deum non tantum peccati Authorem esse, sed etiam modo longe deteriori quàm aut Diabolus sit, aut ipsi Reprobi; Diaboli tentationibus (utpote moralibus tantum incitamentis) facile obsisti potest. Sed absolutis Dei decretis & arcanis operationibus frustra contravenitur. Præterea, Reprobi merorum instrumentorum in peccatis perpetrandis vicem subeunt, quum Deus secundum hoc placitum causæ principalis munere fungatur. Quàm opportunam hinc sibi in criminibus suis blandiendi perditissimi Nebulones ausam arripiant, ex elegantissimo illo *Luciani* Dialogo qui *Minois & Softrati* titulo inscribitur (ad quem Lectorem remitto) dignosci potest. Dogma est Nebulonibus omnibus obviis ulnis amplectendum, cujus ea

vis est , ut nemo adeo Conclama-  
tæ sit improbitatis , cui non *Ho-*  
*merica* illa jure competeret Apo-  
logia,

-----Ἐγὼ δ' ἐκ αἰῶνος εἰμὶ  
Ἀλλὰ Ζεὺς καὶ Μοῖρα-----

Verum ne, quomodo Sanctitas  
sua Deo salva constet nihil omni-  
no pensi habere videantur, quas-  
dam ad aures vulgi demulcendas  
adhibent distinctiunculas , quæ  
tamen in recessu non habent quod  
primâ specie præ se ferre viden-  
tur.

Distinguunt primo de duplici  
decreto, permissivo scilicet & o-  
perativo. Operativum decretum  
est quod efficaci & positivo in-  
fluxu procurat effectum. Per-  
missivum est, quod nullum obi-  
cem ponit quo minus aliquid exi-  
tum

tum sortiatur. Jam assumunt, Dei decretum de Reprobatorum peccatis (licet aliqui distinctionem hanc quasi frigidum commentum omnino rejiciunt, Deum non solum permittere, sed etiam efficaciter velle peccata, tanquam pro Aris & focis acriter contendentes) non esse operativum, sed tantum permissivum. Distinctioni huic (modo nulla subsit fraus) nihil habeo quod vitio vertam. Partes enim ejus satis aptè contradistinguuntur. Nec est quod permissivum decretum a Deo amoliri sollicitus sim, quum erga peccatorem se penitus extrinsecè habeat, libertatem ejus præsupponat, & nihil magis inquât, quàm quo minus in peccata ruat, *Remoram* non injicere. Istius modi permissio, & cum libero hominis arbitrio &  
cum

cum Dei sanctitate satis amice consistit ; quoniam positâ tali permissione non magis peccare, quàm hominem nullis compedibus implicatum ambulare necessarium est. Et si nihil aliud per vocem illam intellectum vellent , tota Reprobationis fabrica pessum iret, in nostra castra transirent, & pax inter nos rata constaret. Verum (proh dolum) longe aliud in sinu foveant. Permittere enim si illorum consulas *Nomenclaturam*, gratiam necessariam subtrahere significat, quâ subductâ peccatum non minus necessario sequitur quàm Columnis Cuniculo supplantatis domicilii ruina. Jam *causa deficiens in necessariis fit efficiens* , & sic Permissivum decretum in Operativum transit. Quo fit ut distinctio illa (prout ab illis perpe-  
ram

ram usurpatur) hoc nomine mihi displiceat, quod partes ejus coincidunt. Sed aliam a fœcundo nugarum penu distinctionem proferunt, eamque in paucis Charam. Duo ad peccati constitutionem concurrunt; aliquid Materiale, & aliquid Formale. Materiale peccati est ipsa actio, Formale est obliquitas vel enormitas actionis. Deum igitur dicunt Materialem peccati partem decernere, sed non Formalem; hoc est, Deus homicidium fieri decernit ut actionem, non autem ut peccatum. Respondeo, distinctionem hanc (ut ut in illâ sibi plaudunt) futilem, nugatoriam, & plane nullam esse. Multa enim sunt peccata tam omissionis tam commissionis, in quibus obliquitas ab actione ne distinguere quidem potest. Sed de-  
mus

mus obliquitatem ab actione posse  
 mente distingui ; dum tamen illi  
 individuo nexu semper adhæreat,  
 impossibile est Deum actionem  
 posse decernere , nisi etiam con-  
 comitantem decernat obliquita-  
 tem. Præterea, quorsum inter a-  
 ctionem & obliquitatem distin-  
 guunt, dum interim Reproborum  
 actiones uti media a Deo decretas  
 esse volunt , quibus ad æternam  
 damnationem perducerentur ? Ita-  
 ne ? Tum ut formalia peccata,  
 non ut meras actiones eas decernat  
 oportet ; Quum nullo alio re-  
 spectu Actiones damnationis accer-  
 sendæ media sint , nisi quâtenus  
 peccata. Nonnullas alias adhi-  
 bent distinctiones quibus ut hor-  
 rendum suum dogma cum Sancti-  
 tate divinâ in gratiam redeat an-  
 nituntur. Sed eas consulto  
 missas



missas facio. Adeo enim sunt futiles & levidenses, ut iis eventilandis tempus insumere, sit bonas horas malè collocare.

---

### C A P. III.

**A** Ttributum Dei quod ab hoc impio dogmate proxime concutitur, est illius Justitia. Hoc etiam a priori absurdo necessario sequitur. Si enim Deus vi hujus dogmatis sit peccati causa principalis, Reprobis ob illa peccata poenas æternas infligere quorum ipse solus Author erat, Justitiæ ejus ex diametro repugnat. Sed ut Argumenti hujus tractationem pressius & distinctius instituiam, Justitiam Dei duobus hic modis oppugnari contendo. Primo, per ipsum

ipsum Reprobationis absolutæ decretum. Secundo, per executionem decreti. Primo, decretum ipsum Reprobationis est injustum. Quod sic demonstratur.

Illud decretum quo statuitur Deum destinare ad damnationem æternam eos quos consideravit ut innocentes, vel quos ipse ex merito voluntatis arbitrio & nihil tale commeritos, nocentes redditurus erat, est injustum.

Sed decretum Reprobationis huiusmodi esse statuitur.

Ergo est injustum.

De minore nulla potest esse controversia, sic enim a Supralapsariis statuitur quoad priorem partem, & a Sublapsariis quoad posteriorem.

Major vero quoad utramque partem est summæ injustitiæ plena.

na. Justitia enim non patitur ut ad pœnas æternas adjudicentur innocentes, cum culpa & pœna ita ad se invicem referantur, ut ubi nulla præcessit culpa, pœna locum habere non possit. Neque causæ vacillanti omnino subsidio erit ad absolutum Dei dominium *ὡς οὐκ ἔστιν ἀρεὴ δυνάμει*, & similia confugere; ut ut enim Judicis & Domini partes in Deo quandoque distinguî possint (quoties scilicet repetit tantum quod dedit, vel miseriâ temporali Creaturam affecit quæ bonum quod a Deo accepit non excedit, & aliis beneficiis longe majoribus pensari potest) tamen ubi agitur de damnatione æternâ, quæ teste Salvatore Mat. 26. v. 24. omnibus nudam existentiam comitantibus bonis præponderat, neque ullo a Deo præmio

mio compensari potest, Judicis & domini qualitates in Deo distinguere non licet. Uti fusè & nervosè admodum probat Doctissimus *Curcellæus* per totam illam verè auream dissertationem quam *De Jure Dei in Creaturas* instituit. Quibus addi potest, quod tale absolutum dominium Deo tribui non debeat, quod cum reliquis ejus proprietatibus pugnet. Quam præpostera jam justitiæ Methodus est hominem pœnis infernalibus excrucians ad judicare, priusquam peccati ratio habeatur! Sed ut tam blasphemæ dogmatis asperitatem emolliant & delicatioribus quàm ut tam Cruda intromittant palatis facilius deglutiendum propinent, aliud excogitarunt Artificium. Dicunt enim, quamvis Reprobos damnandi decretum omnem

omnem peccati considerationem  
 præcesserit , decretum tamen  
 istud executioni non mandari do-  
 nec propriis ipsorum peccatis se  
 damnationi reddiderint obnoxios.  
 Sed hoc est causam ultro prodere,  
 & sibi non constare. Quæro enim,  
 possitne Deus decretum hoc exe-  
 qui sine peccati interventu? Si  
 affirmant , tum in hoc diverticu-  
 lum frustra se recipiunt. Si ne-  
 gant, rationem quæro. Non pos-  
 sunt aliam assignare, nisi quia non  
 peccantem punire injustum esset.  
 Unde pari ratione sequitur ipsum  
 decretum fuisse injustum. Nam  
 quod justitia non permittit ut fi-  
 at , neque etiam permittit ut  
 decernatur. Hactenus de ipsius  
 decreti injustitiâ. Proximo loco,  
 quàm injusta sit illius executio  
 differendum mihi proposui. In-  
 D justitia

justitia illius in hoc breviter consistit, quod Reprobi peccatorum illorum pœnas in æternum luant quibus evitandis impares omnino fuerunt. Reproborum peccata esse omnino inevitabilia docet arctissimus finis & mediorum nexus. Si a peccatis sibi cavere penes eorum arbitrium esset, etiam & damnationis ictum evitare possint, & sic e Reproborum Catalogo nomina sua expungere. Eadem igitur doctrina quæ damnationem necessariam esse statuit, peccatorum etiam necessitatem astruat necesse est. Consequentiam hanc agnoscunt Reprobationis fautores, ideoque Deum omnes Reproborum actiones & vitæ circumstantias ita dirigere & moderari volunt, ut in peccatis suis ad extremum usque diem necessario

perseverent. Imo non minus efficaciter Deum reproborum peccata (Lenonis instar) procurare faciunt, quàm *Uria* mortem *David* machinatus est. Quemadmodum enim *Davidis* jussu *Uria* in primâ acie stationem sortitus est, sic Deus (ut eorum fert sententia) Reprobos in periculosissimæ alex circumstantiis constituit. Porro, quemadmodum *Uria* in extremo hoc discrimine constitutus, *Davidis* jussu ab omnibus deserendus, & belli furori circumquaque exponendus erat: sic Deus Reprobis in lubrico positis, & a Diaboli missilibus ab omni parte impetitis, auxiliares gratiæ suæ vires subducit, adeo ut eos in prælio occumbere plane fatale sit. Et quæ jam (quæso) est illa justitia, puniri in æternum homi-

nes ob peccata illa quæ nullo modo vitare potuerunt ? Idem est ac si nullo reatu constricti pœnas darent. Ubi enim nulla libertas, æquè ac ubi nulla lex, nulla est transgressio. Sed an omni libertate prorsus exuuntur Reprobi ? Nihil minus. Liberè peccant respectu Suiipsorum, licet necessario respectu Dei. Lepida quidem distinctio ! Sed qualis est ista quam Reprobis competere volunt libertas ? Possintne non facere quod faciunt ? Minime gentium, talis enim libertas & necessitas toto genere a se invicem distant, adeo ut Contradictionem implicent. Qui igitur distinctionum fidiculis hanc libertatem & necessitatem ad se invicem adducere moliuntur, ii inanem operam ponunt. Contradictoria enim



enim non habent medium , sed infinitè distant , uti probe norunt, qui Logicam vel primoribus labiis degustârunt. Sed an non sponte suâ , summâ cum complacentiâ & pleno impetu Reprobi ruunt in vetitum ? Imo plenissimo. Sed hæc non est libertas actionum moralium radix , sed tantum immunitas a Coactione, quæ non est voluntatis affectio propria , sed omnibus potentiis sponte agentibus communis. Sic enim equus famelicus cum ad cibum se confert , summo quidem impetu hoc facit , equum tamen liberè agere quis nisi equo inscitior dixerit ? Et si huc tandem redeat omnis illa quâ Reprobi gaudent libertas, nec ut actiones illorum sint moraliter malæ , nec ut illæsa Deo constet justitia sufficit. Imo po-

tius Deum injustitiæ Cumulati-  
 reum peragit. Hoc enim argui-  
 tur procurare Deum ut in pro-  
 priam perditionem Reprobi con-  
 sentiant , & Mortis suæ senten-  
 tiam etiam calculo suo communi-  
 ant. Quod longe crudelius &  
 invidiosius est quàm si obtorto col-  
 lo reluctantes, & penitus invitos  
 exitio daret.

---

#### C A P. IV.

**U**Ltimum Dei Attributum  
 quocum Reprobationis ab-  
 solutæ decretum pugnat , est illi-  
 us Veritas sive Sinceritas. Uni-  
 versa divinarum actionum circa  
 Reprobos administratio (si dog-  
 ma hoc obtineat) Histrionica, ridi-  
 cula, & simulatoria redditur. Ver-  
 bo

ho dicam , Deus ex hoc dogmate summus evadit Hypocrita. Per Hypocrisim intelligo contrarietatem inter ipsam mentem & illius quomodocunque factam sive dictis sive factis interpretationem. Hæc Hypocrisis per hoc dogma Deo affingitur, quia arcanam in Deo voluntatem patefactæ contrariam statuit. Quoad patefactam voluntatem totum hominum genus summo amore ac paternâ benevolentia complecti videtur. Quoad arcanam vero, maximam generis humani partem summo odio habuisse, & ex mero beneplacito (proh verborum abusum!) ad æternos cruciatus destinasse dicitur. Quoad patefactam voluntatem sic mundum dilexit, ut filium suum unigenitum mitteret, qui pro *totius* mundi peccatis vi-

Ætina esset *propitiatoria*, & mortem  
 pro *singulis* gustaret. Quoad ar-  
 canam vero, Mundi partem lon-  
 ge majorem in beneficia per Chri-  
 sti mortem impetrata nihil juris  
 habituram esse decrevisse dicitur.  
 Quoad patefactam voluntatem,  
 gratiosum & generale Fœdus cum  
 hominibus iniit; Universis modo  
 condiciones in fœdere requisitas  
 præstiterint, vitam æternam pol-  
 licitus. Quoad arcanam vero,  
 plerisque mortalium quo minus &  
 condiciones præstent & promissum  
 consequantur obicem posuisse di-  
 citur. Quoad patefactam volun-  
 tatem Reprobos ad pœnitentiam  
 invitat, ut secum in gratiam re-  
 deant patheticè rogat, promissis  
 lætat, & gloriæ cœlestis acquiren-  
 dæ spem facit; quoad arcanam  
 vero, Polos citius in unum pun-  
 ctum

etiam conventuros, quam eorum quemvis gloriam cœlestem adeptum esse ratum fecit. Quorsum hæc omnia nisi ut Deo (qui veritas ipsa est) talis imposturæ & fraudulentæ dicam impingant, a quâ vel scelestissimi Nebulonis animus abhorreret. Scio non deesse qui Deum nihil Reprobis in Evangelio promississe contendunt, fieri vero per accidens quod Dei promissiones Reprobis proponantur, quod in Ecclesia visibili una cum electis sint permixti. Sed respondeo cum Doctissimo Curcellæo, *Si promissiones Evangelicæ ad Reprobos non pertineant, ergo neque mandata. Nam promissiones sunt mandatis adjunctæ, tanquam argumenta, quibus homines ad illis obtemperandum moveantur. Ideoque debent*

Instit. p.369.

bent tam latè patere quam ipsa mandata ; alioqui Deus inani spe illos lætaret , quos promissionum nunquam facere participes absolutè decrevit. Sed quid illorum interest Deum habere promissorum liberalem , si non etiam & auxilii quo conditiones adimpleri possint, Authorem ? Receptum est inter Juris peritos axioma, *Impossibilem Conditionem vitare contractum.* Quis igitur cui Dei veritas & honor Curæ est , Evangelium (solennem illam Deum inter & humanum genus stipulationem) conditiones a plerisque mortalium præstitum impossibiles continere dixerit ? Profecto novi fœderis misericordiâ prorsus indignus est, qui hoc affirmare ausus fuerit. Et hoc tamen audent affirmare. Unde duplicem personam , & quasi sanctam

sanctam simulationem in Deo agnoscunt. *Gratia Dei multis offertur in promissione quibus eam Deus minime dare constituit, inquit Piscator. Et iterum: Gratia non offertur a Deo singulis licet vocatis animo communicandi eam, sed solis electis. Et iterum: Etsi Reprobis mandat Deus ut Evangelio credant, non tamen vult ut credant. Ut infinita alia quæ libros eorum vel incogitanter aperientibus occurrerent, missa faciam. Quot hic blasphemiarum plaustra in Deum exonerantur! Qualem hic nobis depingunt Deum, omnibus Bonitatis, Sanctitatis, Justitiæ & Veritatis attributis exutum, solâ potentia & voluntate armatum, quæ Diaboli est Idea germanissima! Male esset rebus humanis, si penes talem Deum rerum habenæ essent.*

Libe-

Liberè profiteor infirmitatem meam, Me talem Deum colere non posse, nec in animum meum inducere quomodo (si in naturâ suâ verè talis sit qualem Reprobationis absolutæ Doctores Orbi delinatum exhibent) amoris nostri objectum esse possit in hoc sæculo, aut visionis Beatificæ in futuro.

---

## C A P. V.

**H**ucusque Dogmatis hujus falsitatem ex eo demonstravi quod adversâ fronte pugnet cum gloriosis Dei Opt. Max. Attributis. Proxima provincia est ut eandem ex eo quod Scripturæ repugnet demonstrare aggrediar. Dogma hoc Scripturæ bifariam repugnat. Primo, multis expressis



pressis Scripturæ locis aperte con-  
 tradicit. Secundo, totius Scriptu-  
 ræ scopum & finem frustratur &  
 irritum reddit. Loci quibus hæc  
 doctrina repugnat sunt innumeri,  
 sed compendii gratiâ non nisi pau-  
 cos in medium proferre libet.  
 Quorum hic agmen du-  
 cat, *Deus unicuique* Psal. 145.  
*homini benevolus est, & misericor-*  
*dia ejus super omnibus operibus ip-*  
*sius.* Quid apertius? Ne tamen  
 id incitus redactos esse putes, in-  
 ter Reprobationis absolutæ decre-  
 tum & amoris divini universalita-  
 tem rem sic componunt. Deo  
 duplicem esse amorem dicunt; ge-  
 neralem & specialem. Primum  
 ad omne genus humanum imo ad  
 totum universum extendi volunt.  
 secundum Electorum esse in pe-  
 culio. Non igitur obstare Re-  
 proba-

probationis decretum quo minus  
 aliquo sensu Deus universum ho-  
 minum genus amore complecti di-  
 catur. Sed ostendant mihi So-  
 phisticæ hujus Theologiæ Docto-  
 res Reprobos vel *generalissimi* De-  
 amoris ullo modo participes esse.  
 Imo inquit Deus illis vitæ au-  
 thor est, & multorum etiam bo-  
 norum temporalium. Ridicule  
 quasi fragilis vitæ brevis usura &  
 opum temporalium phaleræ dam-  
 nationis æternæ miseriam rescari  
 possint. Fateor Creationem in  
 se simpliciter spectatam summi a-  
 moris opus esse, Creaturamque  
 (modo obligationis Capacem) ac  
 obsequia Creatori præstanda mul-  
 tis nominibus obstringere; Crean-  
 tamen nullum alium ob finem, ni-  
 ut quod existentiam donat, sit æter-  
 næ miseriæ capax, tanto plus od-  
 quat

quam amoris in se habet, quanto  
 miseræ illi Creaturæ non esse  
 quam esse satius fuerit. Sed ad  
 alium Scripturæ locum provoco.

*Deus sic dilexit mundum*  
*ut filium suum unigeni-* Jch. 3. 16.

*tum mitteret, ut quicumque in eum*  
*crediderit, non periret, sed vitam*  
*æternam haberet.* Et ne hic loci

pro more suo cavillentur, Deum  
 velle ut omnes qui conditiones in  
 novo fœdere requisitas præstant ad  
 vitam æternam perveniant, nolle  
 tamen ut omnes istas conditiones  
 præstent; Deus alio loco testa-  
 tum facit se non minus velle ut  
 conditiones præstent, quam ut  
 præstantes promissi fiant compo-  
 tes. *Qui vult omnes ho-*

*mines salvari & ad cog-*  
*nitionem veritatis veni-*  
*re.* Et alio loco. *Qui*

1 Tim. 2. 4.

2 Pet. 3. 9.

*neminem*

*neminem vult perire , sed omnes ad  
resipiscentiam tendere. Et ne ad-  
huc quid sinistra Deum in sinu  
fovere credamus , Deus eandem  
veritatem adhibito gravi juramen-  
to confirmat. Vivo ego*

Ezech. 33.v.  
11.

*dicit Dominus Deus, no-  
lo mortem impii , sed ut  
convertatur impius a viâ suâ, &  
vivat.*

Nescio quo Glossemate  
textum hunc pervertere possint ,  
nisi jejuno & frigido isto , Deum  
nolle mortem peccatoris resipi-  
scentis. Sed huic interpretationi,  
seu potius detorsioni textum, alium

Ezech. 18. 32.

oppono qui disertis  
verbis dicit , *Deum  
nolle mortem morientis.*

His posi-  
tivistis testimoniis *Mantissæ* loco pro-

positionem hanc unam

Heb. 10. 38.

Hypotheticam adiiciam.

*Si quis vero se subduxerit, non pro-  
bat*

*bat eum anima mea.* Ubi propria hominis defectio quod Deus illum odio habuerit, in causâ esse statuitur. Unde licet arguere Deum neminem deferere sive rejicere, nisi prius ab eo fuerit ipse desertus.

Supereft jam ut totius Scripturæ scopum & finem per hoc Dogma frustraneum & irritum reddi demonstrem. Deus in Sæcula benedictus scælicitatis suæ communicandæ studio, permotus hominem creavit, quem ut scælicitatis illius cujus in partem adoptandus esset capacem redderet, leges & bene vivendi regulas palam hominibus promulgari curavit, ex quibus discant quid sibi faciendum quidve vitandum sit. Leges istas promissione præmium, & comminatione pœnarum sanxit,

E

variis

variis etiam hortatibus, exhortationibus & admonitionibus, ut ad obedientiam iis præstandam induceremur nobiscum egit; dicens se proposuisse in conspectu nostra vitam & bonum, & e contrario mortem & malum, benedictionem & maledictionem, & (quod rei caput est) una denuncians se mundum olim in iustitiâ iudicaturum, & unicuique secundum opera redditurum. Contra vero Prædestinatio absoluta sic loquitur: Deum primo decretum immutabile apud se ratum habuisse de aliquibus præmio afficiendis de aliis vero puniendis nullâ vel illorum obsequii vel horum contumaciæ ratione habitâ, & deinde leges promulgare secundum quas se de quovis homine rationem exacturum, morigeros præmio, immo-

rigeros

rigeros vero supplicio affecturum dicit. Quorsum leges ferre, & præmiis & pœnis sancire post absolutum decretum? Mera est *Histrionia* & *Scenica* dispensatio ad miseris hominibus illudendum comparata. Sed ut districtius agam. Scriptura per hoc Dogma tota inutilis & irrita redditur, tum quoad Electos, tum quoad Reprobos. Primo, quod ad Electos attinet, illorum conversio irresistibili Dei potentia in solidum accepta fertur, idioq; non magis suasionum Moralium efficaciam ascribi debet, quam præternaturales magiæ effectus externis barbaris vocabula recitandi, & Characteres inertes scribendi ritibus imputandi sunt. Quod ad Reprobos attinet, internâ Dei vocatione destituuntur, sine quâ externa

nihil valet. Sed respondentes audio, quamvis nullum ex Scripturâ fructum percepturi sint Re-probi, Scripturam tamen etiam illorum respectu non irritam reddi. Quum expediat imo necessarium sit salvationis acquirendæ media ipsis offerri, & manibus præsto adesse, ut inde fiant inexcusabiles. Sed in hac responsione duo veniunt reprehendenda. Primum est, quod Scriptura Reproborum respectu improprie admodum & abusive *Medium* salutis acquirendæ dicatur. Quum nihil *Medii* nomine dignari soleamus, nisi quod ad finem assequendum inservire & conducere possit. Scriptura vero Reprobis hoc nomine nullâ tenus inservit, nec inservire potest, & consequenter illorum respectu *Medium* non magis appellari debet, quam



quam Remi manibus hominis se ad volandum comparantis positi *Media* ad istum finem dicendi sint. Sed observatu dignum est, quam dissentanea, quam principiis suis pugnantia loquuntur. Quum enim asserunt Reprobis *Media* salutis acquirendæ præsto esse, eodem recidit, ac si dicerent Reprobos posse salvari. Nec minori laborant absurdo quum Scripturam Reprobos *inexcusabiles* reddere dicunt. Quis enim sani sincipitis illos *inexcusabiles* esse dixerit, qui virium defectum invincibilem & officii præstandi impossibilitatem delictis suis excusandis obtinere possunt? Nemo inexcusabilis jure merito dici potest, nisi quem penes est sufficiens & idonea parendi facultas. Sed quàm amice in Causæ suæ suffossionem mecum

conspirant *perbenigni* Adversarii !  
 Quum enim affirmant Deum exhibitis salutis acquirendæ *Mediis* Reprobos reddere *inexcusabiles*, perinde est (modo intelligibiliter & ad captum humanum loqui velint) ac si dicerent Deum abundè a parte suâ quod e re Reproborum esset præstitisse, & si eos salute æternâ contigerit excidere, sibi ipsis non Deo vitio vertendum esse. Quod est in nostra castra transire. Si autem suis principiis constare, & necessariam Reproborum omnium damnationem asserere malint, eam non aliter tueri possunt, quam negando *Media* salutis æternæ Reprobis offerri, eosq; inde *inexcusabiles* (hoc est satis ad obsequium Deo præstandum instructos) reddi. Quod si fecerint, Scripturam irritam & inutilem reddunt.

## LIBER Secundus.

## Cap. I.

**A**bsolutâ jam primâ meâ Dogmatis prædicti falsitatem & absurditatem demonstrandi provinciâ, poscit instituti mei ratio, ut ad ejus malignitatem a perniciosissimis quam plurimis quæ vel ab eo derivantur, vel saltem (si homines secundum illius principia vitam instituerent) in praxim & mores derivari possint influentiis demonstrandum me accingam. Noxias omnes (saltem præcipuas) hujus Dogmatis influentias ad tria Capita revocabo.

Primo, naturâ suâ comparatum est ad omnem Religionem, radicatus extirpandam. E 4 Se-

Secundo, ad omnis Regiminis Civilis inter homines constituti subversionem directè tendit.

Tertio, homines in insuperabilem Desperationis gurgitem præcipientes agit.

Quod hoc Dogma naturâ suâ comparatum sit ad omnem Religionem radicitus extirpandam imprimis ab illâ ipsâ (de quâ jam ubertim egimus) illius cum Attributis Divini expugnantia, licet arguere. Perfectiones enim & Attributa Dei Religioni basim substerunt : Unde sublati istis Dei Attributis Religio omnis corruat necesse est. Quod effatum adeo luci naturali consentaneum ut etiam ipsis Ethnicis innotuerit. Un-

de Cicero. *Præstans*

De nat. deor  
lib. 1.

*Deorum natura debet ipsa per se ad se colendam elicere*

*elicere sapientem. Seneca* etiam eidem suffragantem habemus. *Deus colitur propter eximiam Majestatem singularemq; naturam.* Impossibile enim est ut seria & attenta de perfectionibus Divinis cogitatio non ultra nudam, sterilem, & inertem speculationem excurrat. Omnia illa officia quæ circa Dei cultum versantur debitis illis quas de variis illius Attributis apprehensiones pectore fovemus originem suam acceptam ferunt. Verbi causâ. Divinæ bonitatis attenta meditatio, devotionis, & amoris *Seraphici* flammæ accendit. Divinæ sanctitatis contemplatio ejusdem in nobis æmulationem parit, & ut illi quam simillimi evadamus, studium. Divinæ justitiæ meditatio nos ad obedientiam allecitat spe præmii, & ab omni  
im-

impietate deterret metu poenæ. Divinæ deniq; veritatis consideratio cui fides nostra innitatur fundamentum substernit. Quum igitur Reprobationis absolutæ doctrina Deum omnibus his attributis exutum proponat, Religionis etiam universæ columnas & fulcra demoliatur necesse est. Quomodo enim Deum illum summi amoris objectum sibi præfigere possunt Reprobi, quem implacabili odio sibi infestum habent, & quem malorum omnium in rerum naturâ maximum arbitrantur? Quomodo Deum illum in sanctitatis exemplar sibi proponent, quem scelestorum omnium *Architectum* & in sævissimis Tragædiis partium quibus unus quisq; fungeretur *Designatorem* esse sibi persuasum habent? Quomodo justitiæ divinæ contemplatio

platio vitam male actam in melius commutandi propositum illis suggeret, quum stante Reprobationis decreto vel vitæ emendatio nihil illis proficua erit, vel ad meliorem frugem redire prorsus erit impossibile? Quomodo deniq; in Deo illo spem & fiduciam suam reponent, quem tam fallacem, tam ambidextrum, tam *Punicæ* fidei veteratorem esse audiunt? Sed ut rem pressius attingam. Quam inimicum sit hoc Dogma serio sanctimonix studio, vel hinc abundè liquet, quod duo præcipua ad pietatem suadendam incitamenta longe summoveat; Spem scilicet & Metum? Primo spem omnem summovet eamq; duplicem. Spem scilicet ut sancti evadant unquam Reprobi. Et spem ut inde læcri aliquid sibi consequantur. Utramq;

Utramq; summovet. Primum patet ex arctissimo illo nexu quem inter Finem & Media intercedere demonstravimus. Idem illud Decretum quod ab æterno damnationi Reprobos immutabiliter consignatos dedit, a sanctimoniâ consequendâ semper arcet. Quorsum igitur ad vitæ sanctimoniam cujus compotes fieri nunquam possunt irritò conatu aspirarent? Finis illis ab altero absolutè figitur, nec minus Media. Indeclinabilem sortem vitare velle summa est dementia. Quorsum igitur Regnum Dei & Justitiam ejus investigantes inani labore se conficerent? Nonne Salvatoris dictum illis accomodare licet. Quare

*Nemesius* de  
naturâ ho-  
minis, pag.  
257.

de his solliciti estis? Ὅτι  
καὶ τῶν ὑπολογισμῶν, ὅτε  
καὶ τῶν ἀδυνατῶν τίς βλεῖται.

*Neg;*



Neq; enim de his quæ certa sunt,  
 neq; de his quæ fieri nequeunt quis  
 deliberat. Frustra igitur ad vitæ  
 sanctimoniam anhelatur, quum eam  
 nullo studio nullâ industriâ conse-  
 qui possint, vel si potuissent, neuti-  
 quam illis profutura esset. Quam-  
 vis enim certo certius sit individu-  
 am illum Finem inter & Media  
 connexionem semper obstaculo  
 fore quo minus ille de cuius capite  
 Reprobationis ab æterno lata est  
 irretractibilis sententia, vitam bene  
 instituat, fingas tamen posse, non  
 est ut absolutum & immutabile de-  
 cretum sui ergo reflexum iri speret.

*Fati stat ferreus ordo.*

Res esset minoris operæ solis  
 vehiculo sufflumen objicere, orbis  
 in circumgyratione suâ prehenso  
 intercipere, anni in se vertentis  
 cursum

cursum morari totum deniq; Naturæ ordinem susq; deq; vertere, quàm decreta divina eventu suo frustrari.

Rectè igitur & principiis suis satis consentaneè Marloratus, Stat igitur firma sententia :

*Quemcunq; Deus ante conditum orbem elegerit, eum non posse perire : Quem vero rejecerit, eum non posse salvare, etiamsi omnia sanctorum opera fecerit ; usq; a deo irretractabilis est sententia.*

Hoc posito stultus sit oportet qui religioni operam navet. Quum longè præstet otio pandiculantem vel manibus complicatis sedentem perire, quàm officio gnaviter incumbere, & nihilominus perire.

Demonstratio jam Dogmatis hujus perniciosi vi spem omnem concidere,

cidere, superest ut etiam metum  
 omnem ab illo tolli demonstrem.  
 Quemadmodum spei objectum est  
 bonum acquisitu possibile, sic ob-  
 jectum metus est malum vitabile.  
 Metus enim nihil aliud<sup>2</sup> est quam  
 (ut optimè definit *Carte-*  
*sius*) *animæ dispositio quæ* De passion,  
*ipsi persuadet malum ali-* pag. 74.  
*quod non eventurum.* Quod sane  
 supponit esse vitabile. Quod ne-  
 cessarium est & indeclinabile non  
 metus objectum est sed tristitiæ.  
 Jam (ut assumam) juxta Præde-  
 stinationis absolutæ Dogma Cœ-  
 lum & Inferi non sunt objecta pos-  
 sibilia sed plane necessaria. Prout  
 unicuiq; jacta est alea; sic illi eve-  
 niet. Unde spei vel metui nullum  
 subesse locum liquido constat.

Ex prædictis consequentiâ cer-  
 tissimâ deducere licet Reprobati-  
 onis

onis absolutæ doctrinam ad omnem religionem subvertendam aptam natam esse ; quia scilicet omnia quibus innitur fundamenta suffodit. Sed priusquam de secundo maligno influxu verba faciam, quàm amica sit religionis studio Prædestinationis altera pars (Absolutæ scilicet Electio) paucis expendam. Omnis cultus religiosus duobus his Capitibus comprehendendi satis commodè potest. Vel enim consideratur ut medium sive Conditio ad beneficia consequenda requisita. Vel ut gratitudinis actus pro beneficiis a Deo jam impetratis. Absoluta Electio neutro respectu ad religiosum Dei cultum ingenerandum comparata est. Primo ad religiosum Dei cultum quatenus medium ad consequenda beneficia Electos

non

non provocat. Quod sic demon-  
strat summus vir, nec sine venera-  
tione nominandus, *Episco-*  
*pius. Beneficium summum* Instit. The.  
lib. 4. 412.  
*electionis ad salutem ante*

Et citra omnem respectum cultus  
religiosi, *Electi* jam habent a Deo :  
Et ex vi electionis tum ipsum cultum,  
tum cetera omnia beneficia, inevita-  
bili prorsus necessitate a Deo consec-  
turi sunt, adeo ut superfluus labor  
futurus esset. Si de cultu tanquam  
medio sive conditione requisita ad  
consequendum Dei beneficia curam  
aut sollicitudinem ullam susciperent.  
Unde consequitur necesse non esse,  
ut vel peccare timeant, vel cum pec-  
carunt de peccato doleant Et de re-  
sipiscendo cogitent. Quia per hanc  
sententiam statuitur fieri non posse  
ut in peccata incidant, nisi Deus  
gratiam suam iis auferat, Et quan-

do iis aufert fieri non posse. ut non  
 incidant in peccata; tum quando in  
 peccata jam inciderunt & in iis  
 longo tempore perseverant fieri non  
 posse ut per ea ex gratiâ electionis ex-  
 cidant, & non aliquando tandem  
 vel in Capulo vitæ ad resipiscentiam  
 a Deo adducantur. Quoquo enim  
 modo se egerint, non potest erga eos  
 aliud quàm Deus definivit accidere.  
 Nec magis ad cultum Dei provo-  
 cat absoluta electio quatenus a-  
 ctum gratitudinis pro beneficiis a  
 Deo jam impetratis. Quod sic  
 etiam a prædicto viro demonstra-  
 tum habe. Per hanc sententiam  
 statuitur gratitudinem quæ obedi-  
 tiæ & cultus religiosi Deo debiti  
 pars est, in Electis per divinam ir-  
 resistibilem potentiam effici, uti alia  
 omnia opera bona. Ut autem me-  
 rus divinæ irresistibilis operationis  
 effectus

effectus in homine sine homine gratitudinis quam homo ex officio suo Deo præstat actus sit plane ἀλογον est. Deinde per istam sententiam statuitur decretum electionis usq; a deo immutabile esse, ut per nulla prorsus quantumvis enormia peccata tolli aut enervari possit. Ex quo consequitur nec ingratitudinis peccatum efficere posse ut decretum istud irritum fiat : ac proinde necesse non esse ut electus de peccato ingratitudinis vitando sollicitus sit ; imprimis cum certus ac persuasus jam est, non tantum fieri non posse ut per ulla peccata, ac proinde etiam non per negligentiam gratitudinis, excidat ex gratiâ electionis & justificationis, sed etiam certo futurum, ut quanquam hodie ingratus est, suo tamen tempore rursus in eo ex vi decreti sui absoluti efficiat Deus ut

gratus quasi esse velit ; id est, ut effectum divinæ operationis qui gratitudo per *χαρά* vocatur, recipiat. Nihil igitur electorum interest utrum de religione colendâ solliciti sint necne, quum electionis decretum adeo firmum & immutabile sit, ut vel sine religionis cultu vitam æternam consecuturi sint, vel Deus omnipotenti gratiâ ut boni evadant sit effecturus. Unde nihil obesse video quo minus ab utrâq; Prædestinationis parte Religioni æque timendum esse statuam. Hujusmodi enim ratio- cinium secum instituere cuilibet integrum est (quod quamvis popolare sit *Dilemma*, tale tamen est, cui a nemine hâctenus satisfactum esse persuasum habeo) vel sum ex numero Electorum, vel ex numero Reproborum. Si prius, animo  
sim



sim licet, usq; misso & dissoluto, salvus evadam. Si posterius, sim licet usq; vigil & sollicitus, damnationis sententiam eludere non potero. In primo casu Religionis studiosum esse superfluum est, in secundo frustraneum. Sed hic exclamantes audio hoc esse carnale ratiocinium, & Diaboli dialecticam. Media a fine non esse divellenda. Electos licet ad salutem æternam certo destinatos, ad eum tamen Finem non nisi per Media perventuros, & sic porro. Quod ut illustrent, exemplum adhibent & similitudinem. Exemplum petunt ab historiâ Naufragii *Paulini*. Ubi quamvis omnes ad terram incolumes appulsuros in decreto divino esse constiterit, dixisse tamen Paulum legitur, *Nisi hi in nave man-*

Act. 27.

*serint, vos salvi fieri non potestis.*  
 Similitudo quam adhibent hæc est.  
 Deum hoc anno messem futuram  
 absolutè decrevisse, male tamen  
 inde concludi agriculturam super-  
 vacaneam esse. Ut ad hæc omnia  
 respondeam. Dicunt imprimis,  
 Prædestinationem quorundam ad  
 salutem media non excludere, sed  
 potius includere. Ita est, sed quia  
 simul dicunt Deum in quibusdam  
 media illa vi irresistibili operari,  
 tantum abest ut talis Media inter  
 & Finem connexio ad religionis  
 studium hortetur, ut securitati la-  
 tissimam fenestram aperiat. Quod  
 ad exemplum illud tritum attinet,  
 Respondeo, ex eo ipso quod S.  
*Paulus* dicebat, *Nisi hi in nave*  
*manferint, vos salvi fieri non potestis,*  
 manifesto constare eum non cre-  
 didisse, Deo de navigantium salute  
 absolutè

absolutè decretum esse, sed sub Hypothesi, quod consilio ejus saluari morem gererent. Quod ad similitudinem. Nego Deum absolutè messem decrevisse. Nam si ita haberet, non est quod Rustico Logicam quis desideret, si in hunc modum argumentaretur. Deus absolutè decrevit terram meam anno jam appetente segetem edituram. Vel igitur sine adhibitâ agriculturâ inessis mihi erit, vel agrum meum a nonnullo cultum iri plane necessarium & fatale est. •Utrumvis horum Rusticum ab omni de agro colendo sollicitudine missum facit. Sed obijciunt iterum: Quamvis ab omni æternitate de cujusq; capite vel Electionis vel Reprobationis lata est sententia, quum tamen nemini notum sit quis electus quisve Re-

probus, nos omisſis circa decreta  
 divina curiosis inquisitionibus of-  
 ficio noſtro ſedulam navare ope-  
 ram debere, & eventum Deo  
 committere. Ridiculè ! Quasi  
 ignorantia humana rem aliquâte-  
 nus immutaret. Quicunq; gene-  
 ralem Electionis & Reprobationis  
 abſolutam doctrinam inter Symboli  
 ſui credenda numerat, licet in quo-  
 nam ipſe Catalogo ſcriptus ſit ig-  
 noret, ſcit tamen per utramvis  
 Prædeſtinationis partem, Religio-  
 nis omne ſtudium evacua<sup>m</sup>, & in-  
 caſſum cedere. Si enim electorum  
 albo inſcriptus ſit, ſanctitatis om-  
 nis ad finem illum requiſitæ ne-  
 ceſſario compos evadet, ſi nigro  
 Reprobatorum Catalogo, ſanctitate  
 non minus neceſſario excidet.  
 Conſul<sup>f</sup>us igitur illi eſſet (juxta  
 hanc Hypotheſim) complicatis  
 mani-

manibus sedere, eventum patienter expectare, & interim *Genio* (dum licet) indulgere.

---

## CAP. II.

**R**eligionis excidium Regiminis omnis civilis ruina excipit. Finis enim & scopus ad quem Regimen omne Civile quasi collineat, est ut homines in officio piè & honestè vivendi contineat, propositis ad istum Finem commodius assequendum, tum præmiis tum pœnis (sed præcipuè pœnis) temporalibus. Admissâ vero Prædestinationis absolutæ doctrinâ virtutis & vitii ratio tollitur, & consequenter nullus vel præmiis vel pœnis locus relinquitur. Tunc cum *Cicerone* dicendum est, *Omnis humana*

humana vitâ subvertitur, frustra  
 leges dantur, frustra objurgationes,  
 laudes, vituperationes, exhortationes  
 adhibentur. Neq; ullâ justitiâ bo-  
 nis præmia & malis supplicia con-  
 stituta sunt. Ubi necessitas domi-  
 natur ibi nec damnatio nec coro-  
 na. Sublatâ enim hominis liber-  
 tate de virtutis & vitii distinctione  
 conclamatum est. Virtus omnis  
 (juxta hanc Hypothesim) in me-  
 rum nomen verè evaderet, & viti-  
 um extra Phantasie Claustra nihil  
 esset. Nam ut pulchrè ait Tragi-  
 cus, *Fati ista culpa est, nemo fit*  
*fato nocens.* Sed ut distinctius &  
 articulatiùs procedam, virtutis &  
 vitii sigillatim rationem per Dog-  
 ma *Prædestinarium* omnino tolli  
 demonstrabo. Virtutis in Electis,  
 & vitii in Reprobis. Primo, acti-  
 ones illæ electorum quæ virtutum  
 nomine

nomine veniunt, virtutes revera non sunt. Res patet, quoniam a libero principio non proveniunt, sed necessario fiunt. Consequentia hæc solis radio scripta est. Minorem ipsi agnoscunt, dum pro Gratiæ divinæ irresistibili efficaciam contendunt. Virtutes illorum (da veniam *Solæcismo*) non humanam industriam cum divinæ gratiæ suppetiis cooperante acquiruntur, sed divinitus infunduntur, nec actiones propriè sunt, sed *Entbystici* motus & divini effectus. Vatum instar *Pythonicorum* a divino subiguntur impulsu, non agunt nisi acti, nec plus nec minus boni quam faciunt facere possunt, ad *dimensum* sancti. *Mechanica* quidem Theologia, & genii *liberalis* homine prorsus indigna. Si hoc sit Dei mandatis obsequi, ignem



Psal. 148. *Et grandinem, nivem et vapores, ventum et procellam non minus quam Electos Dei verbum adimplere dici possit.* Quum igitur omnis virtutis ratio vi Dogmatis hujus in nihilum evanescat, nullum illis quæ virtutes audiunt actionibus præmium deberi sequitur.

Secundo, per doctrinam hanc, vitii ratio tollitur in Reprobis. Libertate præditus sit oportet, qui peccandi capax est. Illa sola actio perpetranti, reatum affricat, quæ non solum quoad materiam sit quid *ἀνομιον*, sed etiam respectu personæ vitabilis. Jam vero actiones illæ Reproborum quæ peccatorum nomine designari solent, non sunt vitabiles, ac proinde veram peccatorum Naturam non habent. A regulæ quidem præscripto de-



deviant, sed non magis inter peccata numerari debent quam Musici instrumenti discors sonus, aut aberrantes Horologii motus. Unde consequitur pœnam illis assignari nullo jure posse. De Magistratibus quibusdam legere est, qui præ passionis alicujus (quæ voluntatem inclinare quidem, non vero absolute determinare potest) impetu delinquentes impunè dimittere æquum putabant. Memorabilis in hanc rem in *Anlo Gellio* extat historia. Quæ sic Lib. 12. cap. 7. habet. Ad *Cn. Dolabelam* Proconsulari imperio provinciam *Asiam* obtinentem, deducta mulier *Smyrnea* est. Eadem mulier virum & filium eodem tempore venenis clam datis vitâ interfecerat: atq; id fecisse se confitebatur; dicebatq; habuisse se facien-

di

di causam, quoniam iidem illi maritus & filius alterum filium mulieris ex viro priore genitum adolescentem optimum & innocentissimum exceptum insidiis occidissent. *Dolabella* retulit ad consilium. Nemo quisquam ex consilio sententiam ferre in causâ tam ancipiti audebat. Quod confessum veneficium, quo maritus & filius necati forent. Non admittendum impune videbatur, & dignâ tamen poenâ in homines sceleratos vindicatum fuisset. *Dolabella* eam rem *Athenas* ad *Areopagitas*, ut ad Iudices graviores exercitatioresq; rejecit. *Areopagite* cognitâ causâ accusatorem mulieris, & ipsam quæ accusabatur centesimo anno adesse iusserunt. Sic neq; absolutum mulieris beneficium est, quod per leges non licuit; Neq; nocens dam-

damnata punitaq; quæ digna veniâ fuit. Quid jam facturos Judices augurari licet, si mulierem istam Decreti alicujus ineluctabili vi ad veneficium illud perpetrandum addactam fuisse putarent? Procul dubio omnium suffragiis insons emergeret.

Porro quemadmodum (stante Prædestinationis Hypothesi) nec optimæ actiones præmium, nec pessimæ pœnam mereri possunt, ita nec maxima præmia vel unam virtutem proveherent, nec maximæ pœnæ vel ab uno vitio detererent. Quod ad Electos spectat, virtutes illorum (vocis incongruitati veniam deprecor) per irresistibilem gratiam illis ingenerantur, adeo ut ad illas acquirendas media Moralia in subsidium vocare frivolum sit & ineptum. Quod ad  
Re-

Reprobos, tam pleno impetu, tam necessario in flagitia omnia ruunt, ut vel ipsius inferni (nedum pœnarum temporalium) metus illos a legum septis violandis arcere nequeat. Adimplenda est peccatorum præordinatorum iusta mensura, legibus omnibus tum divinis tum humanis incassum reclamantibus. Et quorsum hæc? Nempe corruunt unà cum templis Tribunalia, Regimen omne civile cum religione susq; deq; vertitur. Nec optimis legibus reipublicæ saluti consulitur, nec a pessimis illi damni quid infertur. Præmia & Pœnæ non solum injustè adhibentur, sed & inutiliter, nec bonorum nec malorum numerus vel augetur vel minuitur, sed omnia ex factorum præscriptione (quasi nullæ leges essent) eventum sortiuntur.

Cap.

## CAP. III.

**J**AM tandem ad ultimam Provin-  
ciæ meæ partem deventum est,  
in quâ Reprobationis absolutæ  
doctrinam ex genio suo homines  
in insuperabilem desperationis gur-  
gitem præcipites agere, demon-  
strandum proposui. Doctrinam  
hanc Desperationis ansam quam  
plurimis exporrigere vel acerrimi  
eius Propugnatores non diffitentur.  
Sic enim Calvinus: *Raris-* Instit. lib.  
*simus est cujus non inter-* 3. cap. 24.  
*dam animus hâc cogitati-* pag. 196.  
*one feriatur, unde tibi salus nisi ex*  
*Dei Electione?* Electionis autem  
*quæ tibi Revelatio?* Quæ si apud  
quempiam semel invaluerit, aut dris  
tormentis miserum perpetuo excruci-

*at, aut reddit penitus attonitum.*  
 Idem etiam fatentur omnes, sed una dicunt Desperationem non esse genuinum Dogmatis hujus fructum, sed per accidens & hominum quorundam culpâ oriri, qui *Salutari* hâc doctrinâ sicut & aliis permultis in perniciem propriam abutuntur. Ut igitur telum vibrem quod pertingat, doctrinam hanc ad desperationem hominum mentibus ingenerandam ex propriâ suâ indole comparatam esse, demonstrabo. Quomodo enim fieri potest ut qui Doctrinâ hâc symbolum suum auget, non in hunc modum secum meditetur? De capite omnium absoluta & irretractabilis antequam nati essent lata est sententia. Numerus electorum ad salutem perexiguus. Numerus vero designatorum ad mortem

tem permagnus. Longe verisimilius igitur est me ad permagnum Reproborum quam ad perexiguum Electorum numerum pertinere. Quod si in miserâ illâ Reproborum classe sim (quod & ita esse insuratur mihi malus Augur animus, ita vero non esse nemo potest demonstrare) quid superest nisi ut de salute penitissimè desperem? Nunquàm mihi vel credere vel pœnitentiam agere posse dabitur, vel si omnia sanctorum opera præstitero nullius apud Deum pretii erunt, nec ad Decretum refrigerandum quid momenti afferent. Nec omnino mihi satisfacit quod a plurimis suggestum audio, Nemini scilicet Prædestinationis suæ arcanum revelatum esse (quod in secluserioribus Dei *Archivis* latet absconditum) ac proinde omnes de

misericordiâ divinâ bene sperare,  
 & ad Deum interim sibi concili-  
 andum omnibus nervis anniti de-  
 bere. Quamvis enim nemini re-  
 velatum sit in specie, ad quem or-  
 dinem pertineat, scire tamen om-  
 nes in genere se in alterutram  
 classẽ referendos esse, & ab unâ  
 in aliam transiliri non posse. Quid  
 igitur sortem meam ignorare ju-  
 vat? Utrovis modo alea cecide-  
 rit, ut Deum piẽ vivendo mihi  
 propitium reddam non est quod  
 inanimum inducam, nedum ope-  
 ram adhibeam. Aut enim Deus  
 mihi jam propitius est si ex electo-  
 rum classe sim; sim e Reprobo-  
 rum (quod magis in proclivi est ut  
 credam) omnino frustra essem, si  
 Deum mihi propitium reddere co-  
 natus fuero. Et quum longe ve-  
 risimilius sit me Reprobum esse  
 quam



quam electum, quorsum precibus apud Deum inflecti nescium contendam, quorsum jejuniis & vigiliis me conficiam? Ne hilum hæc omnia mihi proficient interim in hoc obsunt, quod miserum faciant ante tempus. Nullus profecto (quod sciam) ex hac tentatione patet egressus, dum Reprobationis absolutæ Principiis adhæreatur. Præcipua enim imo sola spei omnis & consolationis fundamenta (qualia sunt universalis Dei Amor, universalis Redemptio, universalis & sincera peccatorum omnium ad fidem & resipiscentiam vocatio, & similia) per hanc doctrinam penitus amoveantur, & quæ in illorum vicem substituuntur, putida sunt & cariosa omnia. Reprobationis enim absolutæ Doctores etiam atq; etiam rogatos velim, quid homini

tentationis hujus laqueis irretito  
 dicere consultum putarent? Jube-  
 rentne bono esse animo, Deum  
 enim omnes velle salvari? Imo, re-  
 ponit Tentatus, voluntate Signi,  
 sed non voluntate Beneplaciti.  
 Dicerentne Christum pro omni-  
 bus mortuum esse? Imo, reponit  
 Tentatus, quoad sufficientiam Pre-  
 tii, non vero quoad intentionem  
 propositi. Dicerentne Deum om-  
 nes indiscriminatim Peccatores ad  
 fidem & resipiscentiam vocare?  
 Imo, reponit Tentatus, vocatione  
 externâ, sed non internâ. Jube-  
 rentne in Christum credere, ad bo-  
 na opera se accingere, & inde Ele-  
 ctionis *Arrham* sibi ratam habere?  
 Imo vero, reponit Tentatus, si sim e  
 numero Electorum, Deus hæc om-  
 nia in me suo tempore efficiet: Sin  
 e numero Reproborum (quod po-  
 sterius

sterius ut Credam facilius inducor ) nihil horum sperare licet. Sed non pro certo & explorato habes te esse Reprobum. Imo, nec vos pro explorato habetis me non esse. Sed fortasse non es. An igitur omnia consolationis argumenta ad unam fortasse reducta sunt? Apage, miseros consolatores. Eodem luto Tentatus etiamnum hæret, quo vos hærentem invenistis. Nil actum est; Etiamnum futuri metuens anxiam illam Tragici cantilenam canit:

*Horrore quatior, fata quo vergant  
timens,  
Trepidumq; gemino pectus eventu  
labat.*

Quam infœliciter cesserit Prædestinariis nixa Principiis in Despera-

tionis tentationem lapsum conso-  
landi methodus, in propatulo est.  
Unde extra omnem Controversiæ  
aleam positum esse mihi persuadeo  
Reprobationis absolutæ doctrinam  
non solum miseros homines in  
Desperationis *Barathrum* conjice-  
re, sed etiam quasi obfirmatâ ferâ  
omnem illis eluctandi copiam in-  
tercipere, adeo ut ex hoc sicut ex  
Inferni *Barathro* nulla futura sit  
Redemptio.

Quid jam superest, nisi ut teter-  
rimam hanc opinionem, tot Bla-  
sphemiis prægnantem, tot malignis  
influentiis in homines grassantem,  
omnes quibus vel Dei honor, vel  
sua ipsorum salus cordi est, animi-  
tus ejurent, & odio plusquam *Va-  
tiniano* detestentur? Certè votis  
omnibus optandum esset, ut Dog-  
ma hoc omni quæ Ecclesiæ pacem  
un-

unquam violavit Hæresi longe perniciosius, publicâ Synodi auctoritate damnaretur, & Inferis (unde prognatum esse nullus dubito) palam devoveretur; Et ut *sacri- legi* illius Fautores (quod a *Romanis* passi sunt Mathematici) ad unum omnes exulatum abirent, & in ultimas terras transfretarentur. *Sacrilegi* inquam. Quid enim interest an *Manibus* templa subvertant, an *Rationibus*? In quàm plurimos (ut verum loquar) Hæreticos minorem Religioni cladem minantes Anathematis fulmen vibrare, & a Communione nostrâ *proscribere* non dubitamus. Quâ igitur fati clementiâ fit ut hi juratissimi non Christianæ solum, sed & omnis Religionis hostes magis tolerandi censeantur, ex quorum opinione (sicut optimè notat *Anonymus*

*nymus* quidam Scriptor) plures & magis pudendos errores eruere licet, quam ex libris Socinianorum?

Quid enim quæso in Deum est contumeliosius, eum tam in personâ quàm in essentiâ unum constituere ; an vero (ut nudam injustitiam mollioribus verbis obnubam) inducere punientem homines quod ea non fecerint, quæ ejus ipsius operâ ipsis factu impossibilia sunt? An absurdius est statuere aliam esse Patris, aliam Filii essentiam, quam Deum aliud in linguâ promptum, aliud & quidem contrarium in sinu clausum gestare? An magis traducitur Spiritûs sancti dignitas, quum dicitur esse tantum virtus & potentia Dei, quam Dei bonitas, cum statuitur Author peccati? Postremo, an plus de Christi præstantiâ decedit, quum duæ

in

in ipso naturæ negantur, ne duplex persona constituatur, quàm de sapientiâ Dei, cum statuitur eum id humano generi persuasum facere voluisse, quod tamen non persuaserit ; nimirum, quod omnibus salutem dare velit, cum tamen eam perpaucis destinaverit ? Profecto si rem pensiculatius volvamus, *Socinianorum* de S. Triade doctrina, non tam suâ naturâ prava quam imperfecta & mutila censenda est. Nihil enim falsi aut absurdi S. Triadi affingit, sed tantum aliquid veri detrahit, nempe divinam illam Christi naturam, & propriam Spiritus S. personam. At hoc de fatali singulorum Prædestinatione Dogma, non defectu aliquo, sed manifestâ pravitate laborat. Non enim Deum indignissimis solummodo calumniis onerat, sed & Fi-  
dei

*nymus* quidam Scriptor) plures & magis pudendos errores eruere licet, quam ex libris Socinianorum?

Quid enim quæso in Deum est contumeliosius, eum tam in personâ quàm in essentiâ unum constituere ; an vero (ut nudam injustitiam mollioribus verbis obnubam) inducere punientem homines quod ea non fecerint, quæ ejus ipsius operâ ipsis factu impossibilia sunt? An absurdius est statuere aliam esse Patris, aliam Filii essentiam, quam Deum aliud in linguâ promptum, aliud & quidem contrarium in sinu clausum gestare? An magis traducitur Spiritûs sancti dignitas, quum dicitur esse tantum virtus & potentia Dei, quam Dei bonitas, cum statuitur Author peccati? Postremo, an plus de Christi præstantiâ decedit, quum duæ

in



in ipso naturæ negantur, ne duplex persona constituatur, quàm de sapientiâ Dei, cum statuitur eum id humano generi persuasum facere voluisse, quod tamen non persuaserit; nimirum, quod omnibus salutem dare velit, cum tamen eam per paucis destinaverit? Profecto si rem pensiculatus voluimus, *Socinianorum* de S. Triade doctrina, non tam suâ naturâ prava quam imperfecta & mutila censenda est. Nihil enim falsi aut absurdi S. Triadi affingit, sed tantum aliquid veri detrahit, nempe divinam illam Christi naturam, & propriam Spiritus S. personam. At hoc de fatali singulorum Prædestinatione Dogma, non defectu aliquo, sed manifestâ pravitate laborat. Non enim Deum indignissimis solummodo calumniis onerat, sed & Fidei

dei nostræ & Religionis omnis  
fundamentum demolitur. Nam  
ut Securitatem & Desperationem  
omittam quibus veluti duobus a-  
rietibus pietatis nostræ murum qua-  
tit, ipsam promissorum Dei fidem  
penitus evacuat, cum Deum pra-  
vè simulantem, & quasi sub dupli-  
ci personâ miseris Mortalibus il-  
ludentem, in scenam introducit.  
Sed digniora de Deo nostro cogite-  
mus, quotquot illum imitari statui-  
mus.

Propter Argumenti affinitatem,  
Orationem hanc ab eodem Autho-  
re animi gratiâ Scriptam, operi  
huic velut Appendicem subtexere  
visum est, in quâ Senatui Romano  
laudi vertitur, quod *Mathematicos*  
& cæteros omnes Fati Doctores  
a Republicâ suâ proscripserit.

et hanc sequentem orationem et Soli-  
alteram habuit. eam Academiâ non  
multo prius<sup>quæ</sup> gradum Magistri in Artibus  
ambiverit.

**S** Olicitâ quadam Cœli benignitate *Romanæ* genti prospectum fuisse reor, quod in illius disciplinam tot omnium generum Adversarii concitarentur, ut uberior gloriæ meteretur seges, & delicatior ex adversis exiret fœlicitas. Sic quum majus esset Imperium *Romanum* quàm ut terrenis viribus concuteretur, invidens Fortuna Principi gentium Populo, *Mathematicorum* ope novum e Cœlis accersivit Hostem, & universam *Planetarum* aciem in illius excidium instruxit. Hoc tamen non nisi singulari Numinis indulgentiâ factum est, ut Populus ille tot bellis victoriusq; clarus, ne quid deesset fœlicitati, de ipso tandem *Fato* triumpharet.

Nec

Nec est ut miretur quisquam,  
 quod profligatas Fati copias Tri-  
 umphorum quibus gens *Romana*  
 claruit, Albo inscribam, quum  
 Hostis fuerit. Omnium quibus-  
 cum unquam congressa est maxi-  
 me formidabilis, & in *Reipublicæ*  
 interuersionem vel ipso *Annibale*  
 magis *juratus*. Si igitur alia po-  
 puli *Romani* gesta in *Annalia* refe-  
 rant Historici, quid ni hanc etiam  
 victoriam de *Mathematicis* fraude  
 plus quam *Punicâ* in *Rempubli-*  
*cam* grassantibus, & subterraneis  
 quasi cuniculis urbis *Mœnia* suffo-  
 dientibus, reportatam ipsi gratu-  
 ler? Hi enim sunt vilissimi illi ho-  
 mines, qui inevitabili quâdam vi agi  
 & volvi omnia contendunt, inq;  
 mundo *Prototypo* orbisq; hujus *Pro-*  
*scenio* cuiq; nascenti partes quas  
 in vitæ scenâ sustinere debeat, as-  
 signari

signari, fatalemq; illis primo natalium momento nodum necti, quem nullo nisu & impetu abrumpere, nullâ arte & industria dissolvere unquam possint. Ridicula simul & execranda Philosophia, quæ non *Bruta* solum (ut illa *Cartesii*) sed & *Homines* etiam in Machinas convertit. Hi sunt illi qui non in res tantum corporeas, sed in ipsas etiam hominum voluntates pro liberalitate suâ imperium *Despoticum* stellis concedunt, nec minus animorum quàm aquarum æstus *Planetis* acceptos ferunt, Lunamq; ut *Mari*, ita & *Menti* dominari dicunt. Stupidi profecto homines, qui Lunam mentis *humane* (quoniam forsân *sue*) Gubernatricem constituebant, nec *suo*, sed *Syderum* arbitrio se vivere somniabant. Sed (heu) quàm ingeniosè  
in

in libertatis suæ excidium con-  
spirat *servilis* hominum credulitas,  
dum perturbationum suarum do-  
minio subijci parum arbitrati, ne-  
scio quos arcanos & Missiles syde-  
rum cominiscuntur influxus, & ne  
non omni ex parte servirent *Asci-*  
*titiam*, ex ipso Cœlo petunt Ty-  
rannidem ! Gaudeant igitur (non  
invidemus ) gaudeant illâ quam  
tantopere depereunt servitute, sed  
interim exeant *Republicâ*, & in des-  
sertam aliquam Regionem se reci-  
piant ubi soli fruantur, nec aliis  
Dogmatis sui venenati pestem af-  
fricent. Si enim cujusq; capiti  
concatenatam rerum seriem impen-  
dere, si fixâ & immutabili lege  
omnia procedere hominibus semel  
persuasum fecerint, actum est de  
*Republicâ*, & de omni eam consiliis  
juvandi curâ penitus conclamatum.

Ad

Ad pompam merè *Histrionicam* celebrantur Comitia, in medium proferuntur Consilia, rogantur Leges, eriguntur Tribunalia, jus dicitur, in immorigeros suppliciis animadvertitur. Nihil Reipublicæ interest quibus inhitatur legibus, vel a quibus administratur magistratibus, qualem domi Senatui, vel qualem foris habeat exercitum. Nihil hæc omnia proficiunt, quod in Fatis est eveniet, sola *Parcarum* lex dominatur, cætera omnia vel frustra adhibentur, vel redundant. Si Fata Reipublicæ *dextrum* renideant, fileant licet omnes *Justitio* indicto leges, stabit tamen imò florebit, & quod ætatis *Anreæ* privilegium erat, sine Fascium sine Lictoris metu *Justitia* cultores inveniet. Sin *adverso* sydere fundetur *Respublica*, redeat licet a

Cœlis *Astræa*, gladio & bilance  
 utrinq; armata, *Probitas* algebit,  
 Quorsum igitur inani molimine  
 se fatigant homines? Quorsum de  
 rebus suis disponendis caput anxie  
 scalpentes deliberant, quum post  
 strictissimas quo re melius ce-  
 dat habitas consultationes, non sua  
 sed *Fati* consilia sunt exequuturi?  
 Quorsum in urbis tutelam locan-  
 tur excubire? Si fausto utatur *Fa-*  
*to*, *Palladium* habet, inexpugnabi-  
 lis est. Sin minus, vel invitis Diis  
 Tutelaribus pessum ibit. Quo-  
 rum precibus & lacrymis apud  
 Deos contenditur, & pretiosis suf-  
 fimentis fumant Altaria? Si in *Fa-*  
*tis* sit ut convalescat æger, etiam si  
 fregerit *Æsculapii* statuam conva-  
 lescent. Sin ad porrectius ævum  
 non destinatus fuerit, *Medicæ*  
 artes ipse *Phœbus* incassum exerce-  
 ret.



ret. Quorsum deniq; Reges, Militare Satellitium ad corporis sui custodiam adhibent? Si incolumitatem ipsis Fata decreverint, nudi licet & inermes inter confertissima sicariorum tela gradientur, & in extrema capitis securi se conji-  
ciant pericula. Fortunatum enim illud *Omen* quod illorum capiti semper impendet, melius quam septemplex Clypeus aut Murus a-  
heneus omnes ab illis ictus arcebit. Sin illis mors immatura Fato statu-  
ta sit, nec ipsa illos tueri poterit  
*Salus.*

Et quò jam tendunt hæc omnia, nisi ut omni vel publicum vel pri-  
vatum commodum promovendi studio susq; deq; habito, languor & socordia in hominum animos immittantur, quum fatalem sibi dominari necessitatem, ac proinde

utrum summâ cum vigilantia rebus suis studeant, vel in utramq; aurem dormiant, nihil interesse secum perpendant. Quid consultius igitur esse potest, quam ut prompto animo & flexili collo cedant illis a quibus aguntur ¶ Fatis, nec curis nequicquam valituris se miseros torqueant, sed indeliberato impetu solutoq; animo vivant, fasq; nefasq; insuper habeant, imo in atrocissima (modo *Genio* arrideant) flagitia præcipites ruant, quum si qua *Mathematicis* fides, utcunq; ad speciem liberi suiq; juris videantur, *Icuncularum* instar ad omnia quæ faciunt Occultis Fatorum filis impellantur, adeo ut nihil præter Fati *Destinatum* vel facere vel pati queant.

Perpendite jam quæso vobiscum Iudices (si Fatorum veniâ liceat)

ceat) an qui talia *Pogmatum*  
*Portenta* in *Vulgus* spargunt diu-  
 tius in *Republica* sint tolerandi.  
 Quid suspensi hæretis? *Stolida*  
 certè est *clementia* perditissimis  
 aliquot *Nebulonibus* totius *Rei-*  
*publicæ* dispendio indultum velle.  
 Si *Platoni Homerum* unà cum reli-  
 quo *Poetarum* grege quod *Juve-*  
*num* animos numerorum suorum  
 lenociniis enervarent, è *Republicâ*  
 suâ eliminare consultum videre-  
 tur, an severa nimis est sententia  
*Mathematicos* vitiorum omnium  
*Patronos*, & vel *Planetis* suis aspe-  
 ctu licet usq; maligno minantibus,  
*Regnis* magis infestos a *Republicâ*  
 proscribi? Nec in *Apologiam* ce-  
 dat *Mathematicis* sibi fatale fuisse  
 ut de *Fatis* coram edissererent, ob-  
 tendere, quum ( ut proprio eos  
 confodiamus telo ) etiam a *Repub-*  
 licâ

liuā eos p̄scribi non minus sit fa-  
tale. Eadem igitur Apologia  
quam ad *facti* inuidiam minuen-  
dam afferunt, etiam *pœnæ* severi-  
tatem minuit. Sive stet igitur  
sive cadat Fatum, non est ut se-  
cum iniquē agi quārantur *Mathe-*  
*matici*.

Maſti igitur ſapientiā & confi-  
liis veſtris Senatores *Romani* qui-  
bus Patriæ libertatem vindicaſtis,  
& è Fatorum quibus conſtricta te-  
nebatur vinculis expediſtis. Ju-  
re merito *ſapientes* audire prome-  
ruſtis, poſtquam ipſis *Aſtris* do-  
minari cœpiſtis. Sed laudibus ve-  
ſtris imparem me eſſe ſentio, qui-  
bus pro merito extollendis etiam  
*Romæ* veſtræ *Roſtra* non ſufficient.  
Haud pœnitendo cæteris nationi-  
bus præluxiſtis exemplo, quod  
quum

quum aliorum maleficiorum reis  
*Afylum* fuerit indultum, solos *Ma-*  
*thematicos Arâ* (cujus ruinam tam  
industriè moliuntur) *indignos* ju-  
dicastis.

---

**F I N I S.**

---